

## Կրկնակի հրավերներ նախկին կրթաթոշակակիրների համար

### Նպատակը՝

- Ստեղծված կապերի պահպանման համար DAAD-ի նախկին կրթաթոշակակիրները, կամ այն կրթաթոշակակիրները, ովքեր առնվազն մեկ տարի սովորել են նախկին ԳԴՀ-ում կարող են դիմել կրկնակի հրավերի համար՝ գերմանական որևէ բուհում կամ արտահամալսարանական որևէ հաստատությունում գիտահետազոտական աշխատանք կատարելու համար:

### Տևողությունը՝

- Կախված Գերմանիայում իրականացվելիք ծրագրից՝ կրթաթոշակ կարող է տրամադրվել մեկից երեք ամսով: Կրթաթոշակը ուժի մեջ կարող է մտնել 2013թ.-ի հունիսի 1-ից ոչ շուտ:

### Կրթաթոշակային վճարումներ՝

- Կրթաթոշակ, որի չափը կախված կլինի դիմորդի ակադեմիական աստիճանից, ասիստենտների համար՝ 2000 եվրո, երիտասարդ դոցենտների և պրոֆեսորների համար՝ 2150 եվրո, բացառիկ դեպքերում՝ նաև 2300 եվրո:
- Ճանապարհածախս

### Դիմելու համար անհրաժեշտ պայմանները՝

- DAAD-ի կրկնակի հրավերներ ծրագրին կարող են դիմել նախկին կրթաթոշակատուներ, ովքեր վերադարձել են իրենց հայրենիք՝ առնվազն երեք տարի առաջ:
- Ընտրության համար կարևոր չափանիշ է Գերմանիայում իրականացվելիք գիտահետազոտական աշխատանքի համոզիչ հիմնավորումը: Գիտահետազոտական աշխատանքը պետք է լինի լավ պլանավորված և համաձայնեցված գերմանացի գործընկերոջ հետ: Փաստաթղթերին պետք է կցված լինի նաև սույն փաստը հավաստող նամակ՝ գերմանացի գործընկերոջից: Նամակից պետք է նաև հստակորեն պարզ լինի հյուրընկալող հաստատության պատրաստակամությունը՝ աշխատանքի համար անհրաժեշտ պայմաններ ապահովելու մասին:
- DAAD-ի գիտահետազոտական գործուղումներ կրթաթոշակային ծրագրին իրավունք է տրվում դիմել միայն երեք տարին մեկ անգամ:

## Դիմելու համար անհրաժեշտ փաստաթղթերը`

Դիմումի ձև ներկայցվում է on-line – տարբերակով, MOVE-համակարգով ([www.funding-guide.de](http://www.funding-guide.de))

Բոլոր փաստաթղթերը պետք է ներկայացնել նաև թղթային տարբերակով` երեք օրինակից :

- Դիմումի ձև` [www.funding-guide.de](http://www.funding-guide.de), MOVE-համակարգով, գրանցվելուց և դիմումաձևը լրացնելուց հետո պետք է վերբեռնել բոլոր անհրաժեշտ փաստաթղթերը, որոնք ներկայացված են ստորև: **Մանրամասները նայել նաև [daad.am](http://daad.am) հայաստանյան կայք - էջում**
  - Կենսագրություն
  - Գիտահետազոտական նպատակի շարադրանք
  - Գիտական հրապարակումների ցանկ
  - Գերմանիայում գտնվելու ժամանակացույց և տեղացույց
  - Գիտական աստիճանի շնորհագրի (թեկնածուի վկայականի) պատճեն կամ բուհի վկայականի պատճենը և թարգմանությունը
  - Գերմանացի գործընկերոջ հրավեր

**Համապատասխան վկայականները պետք է վերբեռնել միայն նշված վերնագրի տակ:**

Բոլոր փաստաթղթերը պետք է հանձնել առանց ամրակների, միակողմանի տպված:

Լրացուցիչ փաստաթղթեր չեն ընդունվում և խնդրում ենք նաև չվերբեռնել:

Դիմումներն ընդունվում են մինչև սույն թվականի նոյեմբերի 10-ը